



Broj: 02- 14-2- 510 -27 /16

Dana: 17.11.2016.god.

Na osnovu člana 64. stav (1) tačka b, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na prijedlog Komisije za javnu nabavku sadržanom u Zapisniku o pregledu i ocjeni ponuda broj: 02-14-2-510-17/16 od 30.06.2016.godine, u postupku javne nabavke putem konkurentskog zahtjeva za nabavku radova na projektu „Provođenje preventivnih mjera zaštite i spašavanja na sanaciji klizišta u općini Doboj Jug“, Općinski načelnik shodno članu 37. Statuta općine Doboj Jug (Sl. glasnik općine Doboj Jug br. 3/08), donosi:

O D L U K U o izboru najpovoljnijeg ponuđača

Član 1.

Prihvata se prijedlog Komisije za javne nabavke, sadržan u Zapisniku o pregledu i ocjeni ponuda broj: 02-14-2-510-17/16 od 30.06.2016.godine da se za javnu nabavku radova na projektu „Provođenje preventivnih mjera zaštite i spašavanja na sanaciji klizišta u općini Doboj Jug“ kao najpovoljniji ponuđač odabere „TANS-PUTEVI“ d.o.o. Doboj Jug, jer je njegova ponuda broj: 238-06/16 od 30.06.2016. godine, za ponuđenu cijenu od 20.537,77 KM (dvadesethiljadapetstotridesetsedam konvertibilnih maraka i 77 1/100) sa pripadajućim PDV-om ocijenjena kao najpovoljnija.

Član 2.

Izabrani ponuđač „TANS-PUTEVI“ d.o.o. Doboj Jug je dužan u roku od 3 dana od dana dostavljanja ove Odluke ugovornom organu općini Doboj Jug dostaviti dokumente navedene u članu 45. stav 2. tačke c) i d) Zakona o javnim nabavkama BiH, navedene u tački 2. podtačka 2.1 pod a) tenderske dokumentacije. Prijedlog ugovora o nabavci dostavit će se na potpis izabranom ponuđaču „TANS-PUTEVI“ d.o.o. Doboj Jug nakon dostavljanja dokumentacije iz prethodnog stava ovog člana u roku koji odredi ugovorni organ.

Član 3.

Ova odluka objavit će se na web-stranici općine Doboj Jug, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje:

Na osnovu Odluke o pokretanju postupka javne nabavke radova putem konkurentskog zahtjeva na projektu „Provođenje preventivnih mjera zaštite i spašavanja na sanaciji klizišta u općini Doboj Jug“, objavljen je konkurentski zahtjev na Portalu javnih nabavki dana 15.06.2016. godine

pod brojem obavještenja 777-7-3-11-3-2/16. U ostavljenom roku su pristigle 4 ponude . Otvaranje ponuda se obavilo u zakazano vrijeme dana 30.06.2016. godine u 12 00 sati. Komisija za javnu nabavku je nakon javnog otvaranja ponuda sačinila zapisnik o otvaranju ponuda, te pristupila pregledu i ocjeni prispjelih ponuda na zatvorenoj sjednici. Sačinjen je zapisnik o pregledu i ocjeni ponuda od strane komisije za javnu nabavku , te je u istom dat prijedlog da se prihvati ponuda ponuđača „TANS-PUTEVI“ d.o.o. Doboj Jug budući da je njegova ponuda na osnovu rezultata pregleda i ocjene ponuda, po kriteriju najniže cijene, ocjenjena najpovoljnijom, a da se kao najpovoljniji ponuđač izabere „TANS-PUTEVI“ doo Doboj Jug .

Protiv ove Odluke može se uložiti žalba u roku utvrđenom u članu 101. Zakona o javnim nabavkama. Žalba se izjavljuje Načelniku Općine kao ugovornom organu, u pisanoj formi i mora biti urađena u dovoljnom broju primjeraka koji ne može biti manji od 3 (tri). Žalba se može dostaviti direktno na protokol Općine ili putem pošte .


Dostavljeno:


1. „TANS-PUTEVI“ d.o.o. Doboj Jug ,ul.Sarajevska br. 59 , Mravići , 74203 Matuzići
2. „DOBOJPUTEVI“ d.d. Doboj Jug , ul. Usorska br. 130 , 74203 Matuzići
3. „ŠPIC BETON“ DOO , Pehare br. 72 , 72000 Zenica
4. „PENAVA-KOP“ doo, Žabljak bb , 74230 Usora
5. a/a

Obradio:


Hadžić Edin , Viši samostalni referent

Kontrolisala:


Šahbegović Melisa, Pomoćnik načelnika



OPĆINSKI NAČELNIK


Mirnes Tukić dipl.ecc.